

Filipe Sh_{EE}N

Tudunm_{oo} P_oli ya s_{em}e wemu tun

Filipe sh_{EE}n mu ge

Jag_o ye mu we s_{em}e we d'a tun we?

Filipe sh_{EE}n wo egilizi wu mu P_oli ya we s_{em}e we tun Mased_oni fiige ki ni. Kaso ni wu bi bye Orom_e kulo li ni na we s_{em}e we ka. Egilizii piimu n_oh_o P_oli ya shan Er_opu fiige ki ni ge, Filipe sh_{EE}n wo egilizi we wu j_e pu b_eeri nizhiim_e.

Na P_oli yaha wu jara shuun wuu li na, wu ni Silasi ni Timote ni, a p'i n_o Filipe kulo li ni. Shi wemu wu bi bye w_a ni wee j_e Yawutuu-i ge, wee w'a bi j_eh_e, bani Yawutuu ni j_eh_em_ee bi bye w_a w_e. Filipe kulo li bi bye Orom_e sh_{EE}n s_or_osii tate_engb_oh_o.

Ma funj_o bi j_e ma di Filipe sh_{EE}n wo egilizi wu keree c_e, Kapyeg_e Kitabu wu wo koogoo 16 wu kalaa.

We s_{em}e we kakana j_unj_o

Kashiim_e, P_oli funj_o bye wu Filipe sh_{EE}n wo egilizi wu n'a daa f_ee pu shaari pu yakanya yi wuu na wee mu (Filipe Sh_{EE}n 4:10-20). Li shuun wuu, P_oli bi logo na waagi wu j_e Filipe n'a daa f_ee pu t_e ni. (Filipe Sh_{EE}n 4:2). Wu funj_o ki bye w'i pu y_eri.

S_{em}e wu kafila j_ugb_oy_o

Filipe Sh_{EE}n 1:1-11 P_oli ya pu shaari na baraga taha Kil_e na.

Filipe Sh_{EE}n 1:12-26 P_oli ya lowaa lemu ta na wu yaha kaso wu ni Orom_e ni ge.

Filipe Sheen 1:27–2:4 Pɔli ya Filipe sheen yeri niginre keree na.

Filipe Sheen 2:5-18 Yesu ya wuyε tirige tirige-gana lemu na ge.

Filipe Sheen 2:19-30 Pɔli labyejii Timote ni Epafuroditi keree.

Filipe Sheen 3 Pɔli ya pu sɔnmi kapyebyii nigu-uyo yi keree na.

Filipe Sheen 4 Pɔli ya pu shaari na yεε kan pu mu sanha.

Pɔli ya fò kan Filipe sheen mu

¹ Nε Pɔli ni Timote, wèe piimu pu jε Yesu Kirisa wo kapyebyii ge, wèe p'a we sεmε we tun Kile wo fεfεεε sipyii pu bεeri mu, piimu bεeri pu jε Filipe kulo li ni Yesu Kirisa wo karijεεge ki ni ge, ni jε egilizi wu jahagbaa fεε ni pu tεgevεε pu bε.

Wèe ya yi shaari:

² Wù To Kile ni wù Kafɔɔ Yesu Kirisa wu niime tirige yi na, p'i janijε bε kan yi mu.

Pɔli ya Kile jεeri Filipe kulo li n'a daa fεε pu mu

³ Nε bu na funjɔ kɔn ni yee kaa ni tuun bεeri ni, nε ma Kile shaari.

⁴ Nε ba da Kile jεeri yee mu tuun bεeri ni, nε ma kee jεrεgeε ki pye ni fundanga ni.

⁵ Bani yee ya pye nε tεgevεε Kile wo Jozaama pu yεε li kapyenjεε ki na, na co fo ki jɔ kɔnduun na, fo na pa nɔ nime na.

⁶ Nε li cε nakaara baa jo Kile wemu w'a kii kapyenjεε nizaanɔa kii jɔ kɔn yee ni ge, wee na ba gori yaha ki na fo na shε ki jɔ fa Yesu Kirisa cabaɔa.

⁷ L'a yaa nε w'a na funjɔ shaa lee shagana li na ni yee bεeri kaa ni, bani yee kaa ya waha nε

mu fo xuuni. Na ne yaha kaso wu ni ne na Kile wo Jozaama pu yogo yu, na pu can wu shee, yee ya pinne ni ne ni wee labye we na. Wu niime wu baraga ni Kile ya wee kaa le ne kenε ni.

⁸ Kile ye pyaa wa lee wo seeri na jo yee beeri kaa ya dan ne ni fo xuuni, ba weε ya dan Yesu Kirisa ni taangana lemu na we.

⁹ Kaa lemu na ne Kile jeeeri yee mu ge, lee li wa me, jo la l'a faraa yee wo taanjeεε ki na, yi be di laje, ni fungoεε feere ta xuuni,

¹⁰ kōnhō y'i já kasaanāa ni kakuuñōō ce shōñri kiyε ni. Lee funñō ni yi na ba bye sipyitiimeε, jaagi baa feε, fo na she nō Yesu Kirisa cabañā ki na.

¹¹ Yi na ba kapyegeε nizaanāa niñehεεε pyi Yesu Kirisa baraga ni. Lee li wa masōñō, ni peñε teri Kile na.

Pōli kaso wu keree

¹² Na cebooloo, na funñō ki wa y'i li ce na jo naa wemu beeri w'a nō ne na ge, wee beeri ya pye kaññō na she ni Kile wo Jozaama pu ni naha na can can na.

¹³ Bani kiiri wu takōngō ki nahagbaa feε pu fara teye yi saya beeri na naha, pu beeri ya li ce na Kirisa kaa jo wuu na p'a ne pō, na ne le kaso ni.

¹⁴ Lee funñō ni wū cebooloo n'a daa feε niñehεmεε ya Kafō pye pu tadanā. Ne na le kaso ni, lee wuu na la ya fara pu lowaa li na. A p'i ganha na Kile Kafila wu yu sipyii pu mu ali pu ya fyagi be we.

¹⁵ Ayiwa, sipyii pii kunni wa Kirisa kaa yu ni jepεen ni beganhara ni. Ga pii be di wa Kirisa wu kaa yu ni fungōnsaanā ni.

16 Taanɲεεge funɲɔ ni pee wa kee kapyenεε ki pyi, bani p'a li ce na Kile w'a ne tenε, kɔnhɔ ne da Kile Jozaama pu can wu shεε sipyii pu na naha.

17 Ga pusamaa kunni, pee wa Kirisa kaa yu na ta ne wo kapyenεε ki ɲεpεεn di ɲε pu ni. Fungɔnkuuyo yi ɲε pu mu. P'a giin na pee ba lee pyi, na lee li da la fara ne kanhama na kaso wu ni.

18 Na ta lee la shishiin di ɲε kaa ne mu wε. Fungɔnkuuɲɔ ya pye pu mu la, fungɔnsaanɲa la; pyegana beeri na l'a pye ge, Kirisa kaa bu já na yu na xɔ sipyii pu mu, lee ya ne funɲɔ taan. Kee fundanga ke, la di faraa kee na be,

19 bani yee wo ɲεrege ki fanha ni, ni Yesu Kirisa wo Munaa li wo dege wu baraga ni, ne li ce jo kee keree kii beeri na ba bye kaɲuɲɔ na na ɲuɲɔ wolo.

20 Lemu ne zigee ni na zɔ wu beeri ni ge, lee li wa ne tadaɲa. Li kunni wa da ba bye na mu shiige kajii bada wε. Lee li wa me na Kirisa pele tuun beeri ni. L'a na gbo la, l'a na yaha la, lee li wa.

21 Bani ne wo koɲɔ ki katiinne ɲuɲɔ ki wa me, na taha Kirisa feni. Xu be di ɲε ne mu kuduun wa.

22 Ga ne di bu bye sanha koɲɔ puga, ne na já da kapyenεε pyi sanha kiimu ɲε ni kuduun ni ge. Wee tuun wu ni, ɲiifεεε ni xu ni, ne ce kabaɲa keke n'a da lɔ wε.

23 Ne fungɔngɔ wa ki shuun wu beeri na. Ne na xu, na she bye ni Kirisa ni, lee la ki wa ne na, kuduun nigbɔ wu wa lee ni.

24 Ga ne yaa na kori naha koɲɔ puga yee wuu na, lee wo kaɲɔ l'a pele be sanha.

25 Nakaara wa lee ni wε, ne na ba gori koɲɔ puga, na tuun wa be pye yi taan, kɔnhɔ yi da se ɲaha na n'a daa wu ni, yi fundanga ki be di beε.

²⁶ Lee funṅɔ ni, nε ba ba guri she yee yíri, lee na ba bye kaṅunɔ fo ki nigbɔhɔ, yee na fundanga ta Yesu Kirisa wo kariṅεεge ki ni, nε wuu na.

²⁷ Ga yee kunni p'a ṅaari y'a sahaṅi ni Kirisa wo Jozaama pu ni. Nε já she foro yi na la, nε shiin ya já she foro yi na-ε la, kɔnhɔ nε wa nuri na y'a n'a daa wu co ni keye shuun ni, na bye ṅɔmεε nigin na, ni fungɔngɔ nigin. Y'i yi fanha ki pye nigin, yi da kapyeṅεε pyi, kɔnhɔ sipyii pu da Kilε Jozaama pu nuri, p'i dà Yesu na.

²⁸ Yi ganha bu da yi pεen pu yaha pu fyaara leṅε yi ni leṅεgana la shishiin na wε. Pee wo kapyegee k'a li shεε na pee na ba gyεεgi, yee wo kapyegee k'i li shεε na yee na ba shɔ. Kilε ni lee ya foro.

²⁹ N'a ye yu bani Kilε ya ta niime kan wèe mu, kɔnhɔ wèe di dà yε nigin Kirisa na-ε de! W'a niime kan wèe mu, kɔnhɔ wèe di da kanhama be ṅaa wu mεge ki wuu na.

³⁰ Y'a tee na ṅa toro, na yi nuri be sanha na zhaanra nε leni ni Yesu Kirisa wo pεen pu ni. Tee zhaanra te tuugo yee be ya leni nime!

2

Yi yiyε tirige ba Yesu Kirisa ya pye wε

¹ Ayiwa, loṅine bi daa Kirisa ni, samɔhɔɔ bi daa wu taanṅεεge ki ni, kariṅεεge bi daa Fεfεεε Munaa li ni, ṅijaara ni ṅubenε bi ṅε,

² wee tuun wu ni, yi yi fungɔnyɔ yi pye nigin, y'i be taanṅεεge funṅɔ ni, y'i bye ba shen nigin ṅε wε, y'i bye ni fungɔngɔ nigin ni. Lee bu bye, nε zɔ wu na zii verε can can na.

³ Yi ganha ba kaa la shishiin pyi ni nepeen ni, kelee yafogoyo we. Ga y'a yiyε tirige, yi da sipyii pusamaa porɔŋɔ yiyε na.

⁴ Yi ganha ba keree pyi yiyε pyaa ye wo kuduun kaa na we, ga keree kiimu wo kaŋɔɔ l'a da bye yi beeri nigin nigin wu na ge, y'a kee pyi.

⁵ Fungɔngɔ kemu k'a bi bye Yesu Kirisa mu ge, y'i zhi kee fungɔnnunɔ k'i bye yi be mu:

⁶ Wu ne Kile pyegana na,
wu ni Kile ne nigin.

Ga w'i ya ta lee pye
wu tɔɔgɔ tasinne nago kanna
wu wuyε taanna ni Kile ni fanha be na we.

⁷ Ga w'a kee beeri yaha wà,
na wuyε pye ba bulo ne we.

W'a pa bye sipiyawyii,
na wuyε yaha ba sipyii pusamaa ne we,

⁸ na doroo sipyii torogana na.

W'a wuyε tirige,
na Kile nɔmεε co,

fo na she wu pye w'a jé xu ni,
korikoritige ki wo xu wu kunni.

⁹ Lee wuu na Kile ya wu nunɔ yirige fo xuuni,
na mege kan wu mu,

mege kemu k'a pele
meye yi beeri na ge,

¹⁰ kɔnhɔ Yesu mege bu yiri,
munaa yara beeri li ne fugba we ni ge,

ni ninε ke na ge,
ni ninε ke nɔhɔdaan ge,
yee beeri di nuguro sin y'i wu pele.

¹¹ Sipyii pu beeri di yere li na,

p'i da li yu pu ɲɔyɔ ni
na Kafɔɔ wu ɲε Yesu Kirisa.

Lee na ba nɔɔɔ taha To Kile na.

N'a daa fεε ya yaa na ɲí koɲɔ ke na ba wɔɔɔ ɲε wε

¹² Ayiwa na taanɲiinεε, y'a na ɲɔmεε co tuun
bεeri ni, tuun wemu ni nε bye yee niɲε ni ge. Na na
yaha n'a lii nime yi na, y'a la faraa tee ɲɔmεεcoro
ti na. Y'a yi ɲuwuuro ti keree ki fiinɲε ni Kile ɲii
fyaara ni, y'i da baraga tɛri wu na!

¹³ Bani Kile yε pyaa k'a da yee tεgε, na yee pye yee
ya sɔɔ wu ɲidaan na, na já na wu pyi bε.

¹⁴ Lee wuu na, y'a yi keree ki bεeri pyi nakaara
ni ɲmunu-ɲmunumɔ baa,

¹⁵ kɔnhɔ y'i já pye fεεfεε, jaagi ganha bu da yi na
wε. Y'i bye Kile wo nago, tanahaɲa ganha bu da
yi na ke koɲɔ ke wo sipyikuuyo nanmahara wuu pii
tε ni wε. Yi da ɲí ɲí pu tε ni ba wɔɔɔ ma ɲí mε fugba
we ni wε.

¹⁶ Kile Jozaama pe pu wa ɲii sicuumɔ can wo pu
kaan ge, yi da pee kaa yu pu mu. Lee bu bye, yi na
ba na ɲunɔ yirige Kirisa cabaɲa. Lee li da ba li she
bε sanha na nε wo kanhama pe, ni nε wo labye wu
ya ta pye kaɲɔɔ baa wε.

¹⁷ Yee ya labye wemu pye Kile mu ge, wee ya pye
yee wo saraga, yee ya dà Kile na, lee na yee ya kee
wolo. Ali li ɲεhe yaha nago nε wo shishan pe pu
fara kee saraga ki na, lee kɔri ɲε ali pu ɲεhe nε gbo
na fara kee na, nε na funɲɔ pinne daan ni yee ni fo
xuuni.

¹⁸ Yee bε ya yaa yee pu funɲɔ taan lee na, y'i
binne funɲɔ taan ni nε bε ni!

Timote ni Epafuroditi ya labye wemu pye ge

19 Kafɔɔ Yesu bu sɔɔ na li koo yaha, jɛri tapyege ni n'a da Timote tun zhe wà yi mu. Keree kiimu ki wa yi yiri ge, wu she kee naha ce wu pa jo na mu, lee na ne be wo fungɔngɔ ki tenɛ.

20 Bani sipya watii wa naha ne mu wemu ya wu funɔɔ shaa can can na ni yee keree ni we.

21 Pu samaa beeri wa na pu funyɔ shaa ni puye pyaa keree ni. Pu ya pu funyɔ shaa ni Yesu Kirisa kaa ni we.

22 Ga yeeye pyaa be ya li ce na Timote ya wuye she kapyebye nizaama. W'a wuye kan Kile wo Jozaama pu mu, na kapyenɛɛ pyi ni ne ni ba to ni wu ja ne we.

23 Lee wuu na, ne wo keree ki na ba yaha kabaɲa kemu na ge, ne ba kee ce be, wee n'a da dun yi mu.

24 Ne da li na Kafɔɔ wo samaa pu gbɔɔɔɔ ni jo l'a da ma nige neye pyaa be di she yi yiri we.

25 Ga ne li ta jo li na bɔɔɔ na fenhe Epafuroditi kurunɔ tun yi mu. Ne ceboro wu ne wii, na nɔhɔ pye na kapyebyenii. W'a wu wo fanha ki fara ne wogo ki na we na Kile wo Jozaama pu yu. Ne mago ne yanmuyɔ yemu na ge, wee yee ya tun w'a pa yee kan ne mu.

26 Wu funɔɔ bye wu yee beeri na tɔvuyo na, bani wu fungɔngɔ k'a wuregi na li kanunɔ pye wu ceefuuro ti kaa ya no yee na.

27 Can wu ne wii, w'a sii ya xuuni fo na taxuyo shaa. Ga, a Kile di nunɔ naari wu na. Wu ya ta nunɔ naari wee ye nigin na we, ga ne be na w'a nunɔ naari. Lee be we, ne wo natanhanja ki sanja bi da beɛ.

28 Lee wuu na, n'a da wu tun yi mu tɔvuyo na, kɔnhɔ yi she wu na yi funyɔ di daan, la di foro naye

pyaa be wo jatanhaŋa ki ni.

²⁹ Wu bu nɔ yi na, yi wu juŋɔ círi ni fundanga ni Kafɔɔ wuu na. Pii sipyii pii shi na yee ya yaa na baraga tɛri.

³⁰ Yee da bi bye naha ne yíri, kapyenɛɛ kiimu yee bi da já bye ne mu ge, kee kapyenɛɛ ki wuu na w'a wuyɛ kan fo na taxuyo shaa.

3

Dii sipya di da já bye sipyitiime Kile naha tãan we

¹ Ayiwa, nime na cebooloo, y'a fundanga pyi Kafɔɔ wo karijɛɛge ki ni. Ne keree kiimu ka na kan yi mu ge, na kuri na kee ninuŋɔɔ ka na kan yee mu sanha, lee ya waha ne mu we, bani lee l'a da yee mara yaha kozaana ni.

² Y'a yiyɛ kasɛri kapyebyii niguuyo ye na, p'a kolo ba puun je we. Pee ya giin na sipya bu cekɔɔnrɔ pye na lee li da ma pye m'a jɛri Kile wo sipya. Can be we!

³ Wèe n'a daa fɛɛ, wèe pu je Kile wo sipyii puyɛ pyaa pyaa, wèe piimu p'a Kile peɛ Kile Munaa baraga ni, na wù wo juuyirige ki taa Yesu Kirisa wo karijɛɛge ki ni ge. Wèe ya ta sipyii wo kashangaa pye wù tadanɔ we.

⁴ Lee be we, neyɛ pyaa be bi da já jo ne kashangaa pye na tadanɔ, jo ne na já lee pye na juwuuro ta. Sipya weke wu da já jo na wee ya kii keree kii pye wu tadanɔ na toro ne tãan we?

⁵ Ne cekɔɔnrɔ pye fo na cazege caŋa gbarataanri wogo na. Izirayɛli shi shɛn ne je, na foro Benzhamɛ wo shi wu ni. Heburu ye pyaa pyaa ne sii.

Farizheen pu ni ne be ne, pee piimu p'a Kile tudunmoo Musa wo saliya wu koo jaari ge.

⁶ Ma bu jo luu, lee bye na ni wee saliya wu wo keree shizhaa na, fo di na jaari na n'a daa fee pu kana. Ma bu jo saliya wu keree jaarigana, sipya wa shishiin bye wemu na ja zo taha ne na saliya wu keree ki jaarigana wuu na we.

⁷ Ga kee keree kiimu beeri ki bye ne na ki wii kuduun wogoo ge, ne kee beeri ta nime junjo baa keree Kirisa wuu na.

⁸ Lee na laha wa, neye pyaa kii wa yanmuyoye beeri wii junjo baa woyo le kagboo le wuu na. Na Kafoo Yesu Kirisa ce, lee noho ne we. Wee wuu na ne soo na na kenye wolo keree beeri ni, na ganha na keree beeri wii yakokaya wiime ni, konho di ja Kirisa wo karijege ki ta,

⁹ di gori yaha kee karijege ke ni. Na saliya wo koo jaari li jaarigana na, pee tiime pe wa lee kaan we. Ga na da Yesu Kirisa na, pee tiime pe p'a lee kaan. Ma bu da Kirisa na lee funjo ni Kile da ma jate sipyitiime.

¹⁰ Lemu feni ne ne ge, lee li wa me: Na Kirisa ce; sefeere temu t'a wu ne na yeege xu ni ge, na tee be shi ce; kanhama pemu w'a soro ge, na pee be shi ce; na wu xu wu be tuugo shi ce, konho di binne bye ni wu ni shiizhan.

¹¹ Lee bu bye, na be na diin ni li ni jo na be na ba ne na foro xu ni.

Na n'a daa wu koo jaari fo na she no wu kuduun wu na

¹² Li wa nago kannu ne wa paa fo na she no na no tafana xuu ni, na na wo tafe ti kuduun ta-e de! Lee be we. Ga ali ninaa we be ni, ne la le naye ni

na wo tafere ti na, kɔnhɔ di ba ti kuduun ta, bani lee kaa na Kirisa ya ne sha co. Lemu beeri Kirisa ya zhaa na mu, ni w'a lemu beeri gbegele yaha na jaha na ge, di da kee beeri pyi.

¹³ Na cebooloo, li wa ne funɲɔ ni nago kanna ne nɔ na wo tafere ti tɛhene na, na ti kuduun be ta na xɔ-ɛ de! Ga kaa nigin li wa ne funɲɔ ni. Keree kiimu beeri ki wa ne kadugo yiri ge, ne na funɲɔ wɔ kee beeri na, lemu li wa ne jahagbaa na ge, na ganha na na se wu beeri pyi, na lee shaa.

¹⁴ Lee wuu na, n'a da la le naye ni, di jaha tii ni na wo tafere ti ni fo di zhe nɔ ti kuduun wu na, wee wemu kaa na Kile ya wu yiri Yesu Kirisa baraga ni ge.

¹⁵ Ayiwa, wee piimu beeri p'a fanha ta n'a daa wu ni ge, ke fungɔngɔ ke k'a yaa na pye wee mu, ga fungɔngɔ katii bu da yee mu, Kile ye pyaa na ba can wu she yee na.

¹⁶ Ga Kile ya can wemu she na xɔ wu na ge, w'a se jaha na lee koo li ni.

¹⁷ Na cebooloo, koo lemu ne jaari ge, ne funɲɔ ki wa yee be di da lee jaari. Piimu beeri pu wa jaari na sahanɲi ni lee koo li ni ge, yi da pee be wii, yi da se pee feni!

¹⁸ Bani shenɲehemee pii wa wà, Kirisa wo korikoritige ki wo jomɔ pu wo yere li tɔn p'a pen pu mu. Ne yee jo toro yee mu tɔɲii niɲehenɲee ni, ga na mesuwo w'a kuri na yi yu yi mu sanha.

¹⁹ Pee sipyii pii wo taxɔgɔ ki wa gyeeɲgi, bani yalige nidiige kemu k'a jin pu yacerɛɛ ni ge, p'a kee funɲɔ lɔ Kile na. Keree kiimu k'a yaa ki pye pu mu shiige keree ge, a p'i ganha na puyɛ peɛ ni kee ni.

Pu funzhakeree k'a tiinε ke koηo ke wo yanmuyο ye na.

²⁰ Ga wèe kunni, wèe wo to puga ki wa fugba we ni. Wèe be di wa wù Shovoo, wù Kafoo Yesu Kirisa sigee. Fugba we ni w'a da ba yiri na pa.

²¹ Fanhaxhoo ceepuuro te ti wa wèe mu ge, wu na ba tee ηeri na pye nivoo, na ti pye nooo wuuro ba wuyε pyaa wuuro ti ηe we. Sefeeε te ti wa wu mu ge, tee t'a wu pye w'a ja yanmuyο yi beeri tirige, na yi yaha wu wo fanha ki nohodaan.

4

Poli ya funηo shagazaana li wo yeε li kan n'a daa feε pu mu

¹ Ayiwa, na cebooloo na taanjiinεε. Na funηo ki wa di yi na sanha. Ne wo fundanga ki kaηηo ki ηe yere. Yee shiin pu wa ne ηηηo yirige. Na taanjiinεε yi la le yiyε ni y'i gori yaha Kafoo wo kariηεεε ki ni!

² Na ceboroshaa shuun we: Evodi ni Sentisi ni, ne w'a pu ηeri na pu be nigin na, p'i gori yaha shiizhan Kafoo wo kariηεεε ki ni.

³ Mu be, na kapyebyenii ηomεε foo, ne w'a ma ηeri jo ma na ceboroshaa shuun wu ηeri, kōhō p'i be nigin na. Bani pee p'a la le puyε ni, na ne tεε Kile wo Jozaama pu jo wu na, ni Kilema, ni na kapyebyenii pusamaa. Pee wo mεyε y'a ka Ni Sicumoo pu wo semε wu ni.

⁴ Na cebooloo, yee na ηe ni Kafoo ni kariηεεε ni, y'a fundanga pyi tuun beeri ni kee kariηεεε ke ni! N'a da yi jo daha sanha, yi sii y'a fundanga pyi!

⁵ Y'i zhi sipyii beeri di yi ce ni ηubenε ni, bani Kafoo taapana l'a tεεηε.

⁶ Yi ganha ba yi funyo shaa ni kaa la shishiin ni we; ga yaaga beeri kaa l'a yi ta ge, yi kee neeri Kile mu! Yi ki kaa neeri yi waha! Yi da fo kaan wu mu!

⁷ Yi ba lee pyi, Kile wo naniye ke k'a ye sipyii wo fungongo feere ti beeri na ge, kee na ba yi zoloo pee, ni yi fungonyo yi mara yaha Yesu Kirisa wo kariyege ki ni.

⁸ Ayiwa, nime na cebooloo, kaa kaa li ne can ge, peene ya daa kaa lemu beeri ni ge, kaa kaa l'a tii ge, kaa kaa li ne feere ge, kaa kaa l'a no ge, kaa kaa l'a dan Kile ni ge, kaa lemu beeri l'a sii pye kacene fo l'a yaa ni masono ni ge, ne funno ki wa kee keree kii wo bye funno di yi zoloo pu ni.

⁹ N'a yi taanni lemu ni, a yi lemu ta ge, ni y'a lemu logo na no na, na lemu na di na byi ge, yi be p'a kee shi pyi! Yi ba lee pyi, Kile we w'a naniye kaan ge, wee na ba bye ni yi ni.

Paliya Filipe sheen shaari pu bona wu wuu na

¹⁰ Ne funno ya taan xuuni, bani yee ya li she sanha na yee wa yi funyo shaa ni ne kaa ni. Kee fungongo ke bi sii pye yee mu, ga yee bi sanha pyegana ta ki na we.

¹¹ Li wa nago kanna ne wo labara t'a ne pye ne na ye yu we, bani ne bu lemu beeri ta, l'a cere la, l'a nehe la, ne wa ma funno taan lee wuu na, bani ne tee kee beeri na.

¹² Na pye la baa fo, ne lee shi ce, na pye dafoo be, ne lee be shi ce. Xuu xuu ni ne toro ge, w'a waha wahagana tuugo beeri na la; ne ta li la, ne shiin ya ta li-i la; ne yanmuyo niheheye ta la, ne shiin ya yafin be ta-e la, ne tee kee beeri na.

13 Ne jani kii keree kii beeri na Kirisa baraga ni. Wee w'a fanha kaan ne mu.

14 Lee be na, y'a kasaana pye, yi ma na teger na kanhama pu tuun ni.

15 Na cebooloo Filipe shen, yeeye pyaa ya li ce na fo tuun weke tehen na ne Kile wo Jozaama pu kapyen ki jo kon, ne yiriduun wu ni Masedoni fiige ki ni ge, ni yee wo n'a daa fee pu ye be we, egilizii pii shishiin ya pinne ni ne ni, na ne wo kapyen ki kuduun ta, lee kadugo na, na pu ken ye yanmuy taga ne teger we. Yee ye p'a lee pye.

16 Ali na ne yaha Tesaloniki kulo li ni, yee ya ne mago yanmuy torogo ne mu taji ni njehen ni.

17 Yanmuy yemu yee ya kan ne mu ge, li wa nago kannu yee ya ne zhaa we. Le ne zhaa ge, lee li wa me jo yi wo kapyegge nizaanaa kii ki jeh; Kile na ba kuduun kan yi mu lee na.

18 Y'a yanmuy yemu beeri torogo na mu ge, ne yi beeri ta. Epafuroditi ya pa yi kan ne mu. N'a pye nime la fo, n'a ta nime fo na doro. Yee yakanya y'a pye ba nudanga saraga ne we, saraga kemu na Kile ya soo ge, ki kaa be d'a taan wu ni.

19 Ne wo Kile wu be na ba yi wo canrom keree ki beeri ya. Bani yanmuy yi beeri yi ne wu mu wu noo wu ni, w'i giin wu yi kan yi mu Yesu Kirisa wo karijegge ki funjo ni.

20 W'a wu To Kile wu soni, wu da wu pele tuun beeri ni. Amiina.

Pali ya fo wemu pye kurogo ki na ge

21 Piimu beeri pu ne fefere sipyii Yesu Kirisa wo karijegge ki funjo ni ge, yi pee beeri shaari.

Cebooloo piimu beeri pu wa naha ni ne ni ge, pee beeri ya yi shaari.

²² Fefere sipyii piimu beeri pu wa naha ge, pee beeri ya yi shaari. N'a daa fee piimu pu wa kapyene pyi saannaa juufooo Sezari kaban ki ni ge, pee ya pu wo fo waa.

²³ Kafoo Yesu Kirisa wo niime we wu kori yaha yi beeri mu.

KARINĒĒGE NŌMĒE NIVONŌ
New Testament and Shorter Old Testament in
Senoufo, Mamara

copyright © 2014 Wycliffe Bible Translators, Inc.

Language: Mamara Sėnoufo (Sėnoufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

© 2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files dated 29 Jan 2022

85728ed7-78f8-58e8-8967-0e976c0c2423